



Odgovor na upit, dostavlja se.-

Odjeljenje za odnose za javnošću <javnost@mup.ks.gov.ba>
To: Istinomjer Zastone <istinomjer@zastone.ba>

Fri, Feb 3, 2023 at 9:54 AM

Poštovana Amina,

S obzirom na činjenicu da u Krivičnom zakonu FBiH ne postoji krivično djelo vršnjačkog nasilja, te se u odnosu na maloljetna lica, a koji su počinio krivičnih djela, primjenjuje Krivični zakon FBiH, Zakon o krivičnom postupku FBiH, kao i Zakon o zaštiti i postupanju sa djecom i maloljetnicima u krivičnom postupku FBiH, dok se za prekršaje najčešće primjenjuje Zakon o prekršajima protiv javnog reda i mira Kantona Sarajevo.

Kada je riječ o prekršajima, policija može poduzimati mjere i radnje u svim slučajevima narušavanja javnog reda i mira pokretanjem prekršajnog postupka, i to protiv maloljetnika ukoliko su prekršajno odgovorni s napunjenih 14 godina starosti ili pokretanjem prekršajnog postupka protiv roditelja-staratelja zbog propuštanja dužnog staranja nad djecom koja su počinila prekršaj.

Shodno upitu koji se odnosi na broj krivičnih djela ili prekršaja koji su počinili maloljetnici u prethodnih nekoliko godina u Kantonu Sarajevo, informišemo Vas da su navedeni podaci dostupni na web stranici MUP-a Kantona Sarajevo, u dijelu Izvještaja o radu Uprave policije MUP-a Kantona Sarajevo.

Slučajevi koji su evidentirani od strane Uprave policije MUP-a Kantona Sarajevo se procesuiraju i dostavljaju Kantonalnom tužilaštvu Kantona Sarajevo ili Općinskom sudu za prekršaje. Najčešće, slučajeve tzv. međuvršnjačkog nasilja prijavljuju škole, roditelji/staratelji, čija su djeca bila žrtve nasilja. Policijski službenici Uprave policije MUP-a Kantona Sarajevo djeluju u skladu sa zakonima na sve vrste verbalnog nasilja, prijetnji ili fizičkog nasilja, ukoliko žrtva (najčešće se odnosi na učenike u osnovnim i srednjim školama) to prijavi nadležnoj policijskoj stanici ili tu prijavu podnese roditelj ili obrazovna ustanova (osnovna i srednja škola) koju pohađa učenik. Djelovanje policije u obrazovnoj ustanovi zasniva se na pozivu direktora ili pedagoga ili socijalnog radnika škole, uz prethodnu saglasnost direktora škole (ako se navedene prijetnje ili verbalno i fizičko nasilje dešava u samoj obrazovnoj ustanovi-školi).

Policijski službenici po pozivu – prijavi, (od strane same žrtve ili roditelja, direktora obrazovne ustanove, itd.) dolaze u obrazovnu ustanovu (uz saglasnost direktora škole ili osobe ovlaštene od istog da pozove policijske službenike), gdje policijski službenici obavljaju informativne razgovore s predstavnicima škole ili roditelja na okolnosti prijavljenog događaja, kao i s učenicima-žrtvom, ali samo u prisustvu roditelja ili pedagoga ili socijalnog radnika, gdje na osnovu istih sačinjavaju posebne službene zabilješke ili druga potrebna pismena, te preduzimaju radnje u skladu sa zakonom - kao što su podnošenje zahtjeva za pokretanje prekršajnog postupka protiv maloljetnika ili roditelja/staratelja zbog izvršenja prekršaja i dr., a sve u cilju zaštite žrtve verbalnog ili fizičkog nasilja.

Mjere koje poduzima Uprava policije MUP-a Kantona Sarajevo u cilju preventivnog djelovanja radi smanjenja maloljetničkog prijestupništva se provode kontinuirano i permanentno.

S tim u vezi, Uprava policije MUP-a Kantona Sarajevo je u oblasti preventivnog rada, u prethodnom periodu, a u skladu sa sporazumom o saradnji s Ministarstvom za odgoj i obrazovanje Kantona Sarajevo, poduzimala niz aktivnosti kroz rad policajaca u zajednici, kojom prilikom bismo izdvojili aktivnost u oblasti vršnjačkog nasilja, izvođenja edukativnih radionica za učenike osnovnih i srednjih škola. Navedenim edukativnim radionicama, učenicima su bile prezentovane informacije i znanja iz različitih oblasti društveno prihvatljivog, odnosno, neprihvatljivog ponašanja, te posljedice koje eventualno proističu iz takvog ponašanja.

U cilju prevencije i podizanja svijesti o opasnostima i društveno neprihvatljivim ponašanjima kod djece u osnovnim i srednjim školama u Kantonu Sarajevo, Uprava policije MUP-a Kantona Sarajevo je radila i nastaviti će kroz rad policajaca u zajednici s realizacijom edukativnih radionica za školsku 2022/2023. godinu, odnosno pored drugih predviđenih tema, realizovati edukativne radionice koji se odnose na vršnjačko nasilje i to:

- Stop međuvršnjačkom nasilju (za učenike od VI do IX razreda osnovnih škola)
- Stop međuvršnjačkom nasilju (za učenike I razreda srednjih škola)
- Stop nasilju nad vršnjacima (za nastavnike i roditelje)
- Prevencija maloljetničkog prijestupništva - prava i obaveze (za učenike od VII razreda osnovne škole do završnih razreda srednjih škola).

Radeći sistemski na prevenciji maloljetničkog prijestupništva Uprava policije MUP-a Kantona Sarajevo, u saradnji s nevladinim organizacijama i drugim partnerima, provodi veliki broj projekata usmjerenih na prevenciju maloljetničkog

prijestupništva u Kantonu Sarajevo, te se u skladu sa strategijom rada policijskih službenika u zajednici nastavlja kontinuirano djelovanje radi sprječavanja svih oblika devijantnih ponašanja djece i maloljetnika.

Policijski službenici za rad u zajednici planski vrše redovne obilaskе škola, obavljaju razgovore s menadžmentom škola, te prisustvuju na multisektorskim sastancima s roditeljima i dr., u cilju unapređenja povjerenja djece i mladih, roditelja i škole u policiju, rješavanja nastalih problema, a sve u cilju preventivnog djelovanja i sprječavanja krivičnih djela od strane maloljetnih prijestupnika.

Također, u cilju zaštite djece i maloljetnika, a u saradnji s OSCE-om u Bosni i Hercegovini i svim resornim ministarstvima Kantona Sarajevo, Kantonalnim tužilaštvom Kantona Sarajevo i drugim institucijama izrađen je "Protokol o saradnji i postupanju u slučajevima protivpravnog ponašanja na štetu djece u Kantonu Sarajevo", koji je potpisan od strane svih relevantnih institucija dana 02.10.2018. godine i predstavlja važan instrument s jasno definisanim poslovima za policijske službenike Uprave policije MUP-a Kantona Sarajevo, a naknadno je potpisan i Anex Protokola.

Zaključno, potrebno je naglasiti i to da po predmetima prijestupničkog ponašanja od strane maloljetnika, rade policijski službenici koji su osposobljeni i educirani za rad s maloljetnicima.

Odjeljenje za odnose s javnošću
Ured policijskog komesara
Uprava policije
MUP Kantona Sarajevo

<http://mup.ks.gov.ba/>

T: +387 33 286-726

T: + 387 33 286-727